

中国佛教经典丛刊

净土宗大典（十三）

全国图书馆文献缩微复制中心

净土宗大典目录（十三）

起一心精进念佛七期规式一卷	清·行策定	一
净土全书二卷	清·俞行敏重辑	九
角虎集二卷	清·济能纂辑	九七
东海若解一卷	清·实贤解	一七七
西方发愿文注一卷	清·实贤注	一八七
省庵法师语录二卷	清·彭绍升重订	二〇一
二林唱和诗一卷	清·彭绍升集	二五七
观河集节钞一卷	清·彭绍升著	二六三
测海集节钞一卷	清·彭绍升著	二八一
华严念佛三昧论一卷	清·彭际清述	二八七
重订西方公据二卷	清·彭际清纂	二九七
念佛警策二卷	清·彭际清纂	三五五
唯心集一卷	清·乘戒著	四〇三
影响集一卷	清·量海著	四〇九
净业知津一卷	清·悟开述	四一七
念佛百问一卷	清·悟开著	四二五
径中径又径四卷	清·张师诚著	四四五

劝修净土切要一卷	清·真益愿纂述	五三七
净土随学二卷	清·古昆编	五五三
净土必求一卷	清·古昆集	六〇七
西归行仪一卷	清·古昆辑	六二三
莲宗必读一卷	清·古昆辑	六三五

起一心精進念佛七期規式

虞山普仁院淨業比丘 行策 定

事例

擇清淨廣廈以爲七堂中奉彌陀聖像懸諸華幡然燈燒香七日不絕但以香光莊嚴如法供養不用蔬果讚吹等堂中左右各設長桌一張亦用香爐供具嚴飾之桌外各設坐椅四張中央向佛設長桌一張與左右桌齊兩橫離一二尺許可通出入桌上供疏文一道大爐一座華燭供具須令相稱桌外放蒲墩四箇左右近壁若無禪牀則多設坐位以便隨班退坐其同行淨侶定十二人分爲三班每班四人首位司引磬記持佛號以千聲爲度次位司小魚後二位司巡察見班中昏散者警之中央面佛爲第一班近西一人爲班首卽是七主右邊東向爲第二班近上一人爲班首左邊西向爲第三班近下一人爲班首佛前上下兩長桌上各置引磬小魚一副用過隨放桌上凡七堂施設須於隔宿事事周備同七緇素亦須隔日齊集沐浴已預請主七師分班定位教示演

習每班繞佛百聲卽歸位換班於旋繞中間驚鳴大魚六下以代食梆三班如法出堂乃至齋堂旋念止魚接板結板接佛歸堂旋坐一一指教明白令衆委悉以期中戒語不便指授故須預習也習已各自至誠禮佛求佛加被令七晝夜中所作成辦不起內外魔障事畢早息毋致疲勞

第一日五更報鐘鳴衆起盥漱畢用湯點入堂主七師鳴引磬禮佛三拜各依位立定畢香讚誦阿彌陀經聲須和緩往生呪三遍起讚佛偈卽稱佛名中班鳴引磬二下問訊旋繞左右班乃端坐默隨若昏散重者當微動脣齒庶免坐忘間斷并落昏沈無記性中其神氣清明者當閉目靜聽一心緣佛使心中佛號朗明如貫珠不雜不斷首班旋繞畢仍於下邊立空於陀字上鳴引磬一下次班卽從座起從容出位於佛桌邊一行立定首班復鳴引磬一下又四五聲佛後於陀佛二字上連鳴兩下卽止佛問訊就右邊空位坐次班接佛問訊旋繞如前佛號畢仍於上邊立定三鳴引磬末班起座出位於下邊接佛旋繞一

如前式次班復就左邊空位。向坐默隨佛號。如是三班周而復始。從日至暮。佛聲不絕。每稱念一千。默隨二千。旋行一千。安坐二千。庶幾身口弗疲。勞逸均等。凡旋繞畢時。但看無小魚桌邊。方乃就立。則上下永無差誤矣。十二人外。不論縹素多寡。亦分三班行。則隨行坐則退坐。

齋堂鋪設圓位三面長桌相接。唯下方中央少空。通行堂出入四面近壁皆可回繞。

設位本方而日圓者取周而回旋之義也

二時一外午前加食一餐。蔬菜止二盞。兩人共之。

每食行食畢。鳴榔六下。表南無阿彌陀佛堂中聞榔聲。不論

何班旋繞。如常旋念至疏桌邊。班首置數珠於桌上。

取引磬鳴二下。問訊。若佛聲太急。即于此時改魚緩念左右班起立。

同聲稱念。班首帶引磬。從中路向佛旋行。仍從中路

出堂。若首班在前。餘兩班次第隨行。須待本班縹素

行盡。次班方可接行。若值中班在前。則末班隨行。首

班居後。若末班在前。則首班隨行。次班居後。不得越

亂。到齋堂右旋一匝。候末位到。齊班首即鳴引磬一

下。止魚停佛。縹素隨所到處就位。坐定不得推前遜

後不得抽身離位。隨坐隨食。不用問訊。念誦出生等旁懸板椎一副。預令沙彌立板椎邊。候小魚停止。接板念佛。每聲鳴板二下。衆等食時。一心緣佛。不可須臾放逸。食訖。班首於南字上鳴引磬一下。沙彌即於陀佛二字上連擊二下。結板衆齊出位。亦不問訊。即起佛右繞歸堂。一依前次班首行至本立處。鳴引磬二下。問訊。置於桌上。仍取數珠繞佛。餘班歸原位坐。其左班西向者。須願旋至桌邊。從末位進。毋直歸。毋逆行。凡歸位出班。及有事出入。並須安詳徐步。毋得踉蹌疾走入。夜日光初暝。供疏桌上。亦然長燭。此後約每班兩回。旋念六千佛。竟更俟下班接佛。旋行時。七主出位。鳴引磬一下。堂衆皆起。同聲旋念。不復論三班縹素次序。但約旋念十數匝。後七主於下方中央。面佛立定。三鳴引磬。結小魚一陣。止佛。衆皆面佛。鳴引磬。同念發願偈云。弟子衆等。至心發願。

願命終時神不亂 正念直往生安養

面奉彌陀值衆聖 修行十地勝常樂

於末後三字緩鳴引磬三下。即禮佛三拜。歸單就寢。

衆等爾時尤宜防護三業正念。寢息不得作餘事。說餘語。起餘雜想。亦不得禮。除佛誦餘經。呪縱有恒課。終身不缺者。亦皆停止。甯于七日後追補之。不然則未免間斷夾雜。又烏得稱爲七日持名一心不亂乎。寢息後。兩炷官香。將盡。香燈師預通廚房。辦面水湯。點卽鳴報鐘。此後六日入堂禮佛。已卽起。讚佛偈。不誦經。呪餘。皆如初日行持期中。請定護七師二人爲一期外護。凡縑素。隨喜。毋令入堂。唯專爲念佛來者。乃導之。使入禮佛三拜。已卽送。隨班旋念。或送左右。班後不得揖衆共語。若未滿期欲去。亦但禮佛而出。不用別衆。縑素於七前預到。發願終七者。必須終竟一期。不同隨喜之例。倘年高有疾。力難支遣。可密啓護七師。乞其寫帖。轉達七主。或旋行時少坐。或入夜後早息。當破格方便之。次立監直師一人。衆中有違約者。卽登名記罰。不可放過。次安香燈一人。行者二人。香燈司爐火香燭之事。遇燭暗則剪香盡則換衆赴齋則守堂。不出衆就寢則看香定夜。須老成者充之。若疲乏時。愁與監直師更換。寢息不可失事誤衆。

行者司茶水洗沐等事。午前行茶兩次。午後不拘次數。入夜復行一次。每行畢。隨收器盪滌。俟旋念班坐定。還須補行凡盆水浣濯衆所需待者。皆當盡心供辦。護七師須隨時經理。毋令懈廢。

滿七之日。入夜六千佛竟。更俟下班接佛後。主七師如常鳴引磬。三班同起。旋念五百聲。佛主七師於佛桌東首向佛立。定鳴大磬一下。衆皆面佛。鳴第三下。時隨接鐘鼓一通。鳴大魚跪稱觀音勢至。清淨海衆各十聲。如晚課例。小淨土文。回向禮佛十二拜。菩薩三拜。三自歸畢。隨鳴大聲一下。衆相向側立。主七師至下方中央。展具禮佛。長跪衆稱南無大乘常住三寶。護七師宣疏畢。仍鳴小魚。誦往生呪。送疏不拘遍數。結呪已。念發願偈。問訊回至佛前。衆同展具作禮三拜。收具。問訊。鳴引磬。引衆出堂。詣主七師室中。禮謝主七師同衆。至護七師處。及諸職事師處。巡察紋謝訖。然後歸堂。圓禮爲一期事竟。

罰例

罰有三等。上罰錢百文。中罰五十文。下罰十文。不論

錢之貴賤。準此爲式。堂中懸水牌一面。置筆硯一副。有應罰者。監直師隨書牌上書。已持示本人。令知俟期滿結算。某某罰錢若干。仍令本人買香供佛。或放生命。若無錢者。罰持往生呪。每呪十遍。準錢一文。期中第一禁止語話。不論堂內堂外。未起佛前。已止佛後。但有犯者。一上罰三犯者。出堂。若有不得已事。必欲語。可密告護七師。一兩語卽止。若多語。高聲語。罰同。

凡欲抽解著衣等。竟自起身。事畢速還。託事在外延緩者。一下罰。若私入寮舍坐臥片時者。上罰。

有事欲出堂。須甲來乙去。甲若未還。乙須少待。或時事迫促。亦得兩人並出。若四人中兩人已出。第三人復出者。一下罰。隨班後坐者。不拘。

旋繞未竟。不得越班而出。須待歸位坐定。方可抽身。若越班出者。緇素同一中罰。

上班繞佛將畢。下班不得離位。若非時出堂。以致臨班不到者。一中罰。

隨班緇素。當旋繞時。非年高有疾。稟白在前。輒自坐。

立者一下罰

若安坐時。性不耐坐。混入他班。旋念者。一中罰。數數出入者。一下罰。除有疾。

出班歸位。及出堂入堂。並須威儀。庠序。踉蹌急遽者。一下罰。

堂中行動。左旋梗衆者。一下罰。

衝班出入者。一下罰。

香燈師不在堂。遇燭暗。香盡。左右班中首末四位。或後坐衆。俱得暫起代行。唯旋行。緇素不得翦燭添香。佇立妨後。違者。一下罰。

三班緇素中有不善隨魚者。臨班須默念。或低聲念。若高聲亂衆者。一下罰。護七師當引至僻處。密啓令知。

入夜止佛後。須隨衆安寢。若更禮佛持誦。作餘功行者。一中罰。香燈師應勸止。若不聽。方白監直師記罰。食時赴齋堂。隨行兩班。前後失次者。二班首各一中罰。

齋堂食畢。起身抽解者。一下罰。

定夜失時致入堂後三班旋念未滿一回卽天明者
香燈師一下罰入堂輒曉者一上罰或昏睡失香失
之太早致衆疲乏者一中罰

監直師隨時隨處當爲衆勸察依式登記若屢犯不
知或雖知不記罰同本人之例

凡同七護七諸師於未起七前並須熟規式次將罰
例錄出粘客堂前有後到縑素先令細覽條約方送
入堂或不解文義當與摘要說知若造次引送以致
入堂昧昧動輒犯約者護七師一下罰

此三等罰其計二十三條今開明記罰式如左

犯不語禁一上罰

多語一上罰

高聲語一上罰

私入寮舍坐臥一上罰

定夜失時一上罰

越班出堂一中罰

非時出堂一中罰

亂班旋念一中罰

入夜別作功行一中罰

隨班失次一中罰

定夜失時一中罰

託事久出一下罰

接踵出堂一下罰

臨班坐立一下罰

數數出入一下罰

行動急遽一下罰

左旋梗衆一下罰

衝班出入一下罰

佇立妨後一下罰

高聲亂衆一下罰

食畢先起一下罰

造次送人入堂一下罰

定夜失時一下罰

如上條例事在必行蓋欲制止放逸助成勝行非好
爲煩刻也行者當念一生悠忽止此七日精進各須
激切奮勇不惜軀命無論行住坐臥飲食便利一句

洪名當如呼吸不斷不可斯須停止。俄頃夾雜。既欲一心不亂。大非尋常念佛可比也。思之勉之。

疏文 封面寫念佛七期回向發願疏
兼教修淨主七沙門某甲具誠

伏以一心圓淨。卽五濁而不達清泰之鄉。三界橫超。雖九品而豈隔庸凡之位。融勝三昧。王於性海。轉第一義諦於口輪。道在人宏。佛隨機應。

大清國某省某府縣某寺苾芻某甲等。卽日熏沐投誠稽首。歸命娑婆教主本師釋迦牟尼文佛。極樂世界接引導師阿彌陀佛。觀音勢至一切聖賢。同賜慈悲。俯垂證鑒。切念弟子某甲。與現前衆生等。生逢劫濁。報屬凡軀。三業六根。旣無罪而不造。五趣八難。亦無苦而不嘗。暗識相傳。曾未覺悟。死生浩漫。解脫何期。所幸宿植微因。得生正信。早入彌陀願海。專修淨土法門。祈寶域以棲神。託華輪而送想。用是依經立軌。準教崇修。謹于今月某日。爲始啓建一心精進念佛道場。七永日於中。嚴飾堂儀。肅分班次。執持聖號。終食無違。存想洪名。須臾不離。以斯功德。回向往生。惟願阿彌陀佛慈悲攝受。與諸聖衆親垂接引。必令

諸根寂靜。正念昭彰。須摩境現于目前。金色華敷于捨報如經。所說願悉不虛。又願以此七日精進功德。普令衆等斷七支惡。滅七遮罪。除七慢障。離七穢行。遊七寶池。布七淨華。具七辯才。智演七菩提。分超七方便。位證七常住果。又願以此三班淨侶十二僧伽。和合修持。所生功德。普令衆等絕三惡道。轉三重障。淨三聚戒。歷三乘位。越三界而長驚冠三輩。以高躋深入三解脫門。圓發三如來藏。又願衆等得成佛已。坐道樹下。三七思惟。爲諸衆生說三乘法。三轉四諦。十二行法輪。廣說三世十二支。因緣流轉。還滅逆順。法門究竟。同趣薩婆。若海。又願於此七日之中。若緇若素。若遠若近。若久若暫。若來若去。乃至執勞運力。隨喜見聞。咸出苦輪。俱生樂國。共睹須彌。毫相同瞻。法界藏身。又願衆等。旣得往生。安養親近彌陀。乃至一切如來。悉得承事。一切佛土。悉往莊嚴。一切善友。悉能隨順。一切法門。悉得通達。一切衆生。悉蒙度脫。一切行願。悉獲圓成。虛空有盡。我願無窮。仰願三寶證知。令我等得如所願。滿菩提願。

丁巳春大士聖誕虞山之北普仁禪院依彌陀經教起七日念佛新規爰集淨衆不揀僧俗其主則普仁大師號截流道人者其道場外護則身葉師古祐師也其同行緇侶則越海在閒慧如湛月慈宏海目德容越祇尙法再應可尊也其遙聞法會溯水來虞則婁東兩僧鳴谷定慧也其居士則汪旅三翁鳳韃顧公臣金水若陳千頃趙存湖翁子餘翁康成沈誕先夏子彝也念佛爲往生捷徑觀音乃西方導師故取諸二月十九也其法則選僧十二分三班每班四人各有所司十二人外不論緇素多寡亦分三班隨其後一班旋繞則兩班安坐食時赴齋堂依次無敢案坐定佛聲初歇小沙彌擊板念佛以繼之使一句洪名不絕于心口耳間夜分略睡聞鐘聲鳴齊起凡左行者罰越位者罰相語者倍罰蓋嚴若軍令焉是日也汪旋三等數人先在予後至聞堂中佛聲琅琅護壇師導之而入但禮佛不許揖衆輒隨班行已而退坐或默隨佛號微動脣齒或閉目靜聽而以心隨餘

人後至者亦如之念佛之聲時而和緩悠揚如一氣呼吸絲絲不斷至其聲之振疾則又如猛將追敵不盡滅不止使雜妄無間可乘衆魔無路可入當其風雨晦冥衆音振響不復知山頭霧起殿宇雲封及天朗氣清則松風謾謾澗水潺潺無不與念佛之聲相應和至若雞聲唱徹燈火熒熒曦旭方升香烟繚繞曉焉而念佛也山光乍暝林谷幽翳衆竊寂然梵音獨舉暮焉而念佛也或則神意怡悅一塵不染四字孤存此真能一心不亂者其或矍然奮發神若馳而心欲止此期于一心不亂而未能者更有信願已堅勝緣欣遇塵事敦逼魔障多端暫爾依班尋復離位咨嗟悔恨不獲終斯七日者我大師度生方便慈諭眞切衆等信西方之可至幸日夕以追隨知洪號之難思因稱揚而感涕嗟乎石火電光人生百年猶七日耳以七日而供塵累塵累何時了以七日而要淨土淨土必可期況百年之內其爲七日也甚多而剎那異世其爲百年也又絕少人知百年之莫期而不知此七日之難遷又惟知百年之虛度而不知彼七

日之浪擲悲夫

常熟普仁寺截流大師回首後有孫狀元扶桑先生之長君翰臣爲冥司勾攝死去一晝夜醒而言曰我拘繫閻羅殿下黑暗中忽睹光明燭天香華布空闔君伏地迎西歸大師審之卽截公也我以師光明所照及遂得放還同日有南關外吳氏子病死踰夕復活其言所見亦如孫子言常熟翁叔元寶林氏記時康熙三十六年正月望日

淨土全書序

蓋聞願生淨土者必先淨其心其心淨則其土淨也。欲淨其心者必專精其法其法專則其功純也。往生淨土之書實浩且繁其持名之專用功之精莫尚於王龍舒淨土文矣。余昔嘗閱其書每置卷三歎欲廣流通俾九州四海若縑若素若男若女有厭離娑婆極苦而忻羨安樂者皆得攝百千萬億三昧於一念佛三昧中十二時間純而弗雜約而易操力省功倍期乎效速華開見佛永脫輪迴則此書誠爲破障之前陣割惑之利鋒淨域之寶筏入聖之要津與茲棲水俞惠公居士復原本龍舒博綜經論彙爲全書既以自利兼以利他觀其直捷信向願力弘厚可謂入海而取明月之珠登山而採連城之璧無以加矣。刻成乞余一言以爲序。余固知法專而后功純功純而后心淨心淨而后土淨其將旦暮而遇之也寧止多善根多福德多因緣而已哉。

康熙三年仲秋之月 報恩秀頭陀 題

淨土全書序

安養國法王子之言曰淨念相繼得三摩地卽淨土心不必淨土歟。日勢至菩薩欲入於微塵內轉根本法輪識淨土成住有因也。曹溪大師之言曰東方人求生西方西方人求生何國卽求生不必往生歟。曰盧祖慮人於一眞界起爾我諍端明淨土跬步可到也是故黃童白叟不論年華屋事門不論地動靜閒忙不論時無人非念佛人無地非念佛地無時非念佛時然則一切人是佛本來人一切地是佛降生地一切時是佛成道時聲聲是佛念念是佛念龍舒居士於淨土三昧倏然而起歡喜合掌而告我言棲水善里有大長者現淨清身與我某甲分座說法令諸衆生同行佛行同堅佛願同證佛心同生佛土靈山老人爲作證明山僧不覺手舞足蹈敬書是語於其簡端

康熙甲辰初冬日靈隱弘禮題於直指堂中

淨土全書序

禪宗自達磨西來。派傳五葉。燈續千秋。其間大智利根。一聞徹悟。妙證無上者固多。若凡夫之人根器頑鈍。雖菩提種子。當身具足。而雲深霧重。推盪不開。對以痴漢。迺欲以棒喝喚醒。是猶以盲詔盲。累劫難明。安在其爲大慈父耶。釋迦如來。爲是特說彌陀一經。單指念佛往生。前哲如慧遠。首結蓮社。中峯深懷淨土。宣暢念佛法門。向慕西方。極樂大抵從凡夫所貪着處。猛然善誘。解者不敢以爲非。昧者深以爲可喜。蓋無智無愚。大共極便之途也。柰何末法浸衰。本原漸晦。卽知念佛可以往生。究不識所念何佛。遂令西方有億萬之遙。苦海無回頭之樂。豈知所謂念佛者。非徒以齒舌也。念念是心。念念是佛。纔一動念。西方卽爾現前。纔一現前。是名極樂世界。然則念佛往生之說。其諸卽心卽佛之謂與。以爲提宗離念何處尋。宗以爲直證舍佛將何作證。是知列祖傳燈。頓超生死。衆生篤信。遂脫輪迴。其歸一也。近代蓮池大師重開捷徑。啓迪愚迷。今復澤邇而誨湮矣。茲寶蓮俞君

慮安養之虛懸。憫塵沙之罔覺。仰企龍舒之懿訓。宏參經傳之元詮。彙爲一書。其文博而不繁。其義括而無隱。殆以嗣揚至教。而廣接群蒙于弗墜者哉。予不敏。諷覽終編。頓生歡喜而爲之言。

康熙乙巳仲春既望。狀元四明史大成謹序。

淨土全書序

淨土之說。肇自阿彌陀佛。慈願弘開。彰于釋迦牟尼。佛特告阿難。其言非妄。故西土傳教。流入中華。翕然遵信。如響應聲。至晉慧遠祖師及劉遺民諸君。結蓮社百餘人。篤信專修。其中感佛來迎。脫生淨土者。不勝屈指。嗣後隋有智者。魏有曇鸞。唐有善導。五會臺岩。大振宗風。迨宋永明省常。慈照諸師。勸修益勵。及王龍舒先生。嚮往愈堅。修持愈篤。臨終立化。淨土之歸。較然矣。自利利他。著淨土文十三卷。以詔來學。歲久板翳。呂元益重爲刊梓。欲壽其傳。刊至四卷。第九第十板。迸出舍利三顆。見之呂師說序中。章章可攷。此皆精誠所感。示現神通。孰謂佛法無靈。驗耶。明蓮

池大師亦每導人念佛往生。其教稍廣。予生也晚。間嘗竊聞其說。而未悉其指。近得龍舒淨土文。虔誦詳覽。恍然見先生一片婆心。眞法寶中度世之慈航也。然此書大都接引中下居多。其文浩繁。恐根鈍者不能豁然。生信。竊不自揣。括其要旨。畫爲淨土定式。刊板流通。普勸道俗。猶慮淨土之蘊。未大備也。更博采諸經及餘尊宿所緒論。輯爲全書。以擴見聞。所以啓人之信。破人之疑。鼓邁往之志。策銳進之階者。視前哲爲粗備。冀令娑婆世界衆生。人人信向七寶池中蓮花。日日發生。庶幾淨土一門。永播恒沙于無量焉爾。

康熙三年甲辰仲夏 寶蓮道人俞行敏謹題

勸修淨土啓

竊以學佛初機。大悲自菩薩心。印利他要行。誘進乃淨業勝因。晉社羣賢。願偕生於極樂。十方海衆。宜秉拔於娑婆。痛生死之難逃。嘆無常之甚速。敢不景仰前哲。鼓倡當來。勸一人以至多人。布沙門之法。施念

一佛以至億佛。適淨土之慈航。勉爾同儕。深植善本。常爲道侶。勤策眞功。一夫退惰。則協力提撕。一子退昇。則交相接引。庶使衆生不永滯乎迷途。且令善信咸慶登夫寶所。若徒知而不修。累業常沉。黑獄苟推已而行。化現身卽是彌陀。敢冀弘仁。轉加喚醒。立時下手。猛地回頭。一生遂補佛處。曠劫不染纖塵。斯誠超脫輪迴之捷徑。而直馳安養之康衢也。寶蓮道人謹啓

淨土文序

阿彌陀如來以大願力。攝受羣品。繫念甚簡。證果甚速。或者疑之余。嘗爲之言。阿彌陀佛卽汝性是極樂國土。卽汝心是衆生。背覺合塵。淪於七趣。立我與佛。天地懸隔。佛爲是故。慈悲方便。開示悟入。現諸無量如幻三昧莊嚴。其國備極華好。復以辯智而爲演說。令諸衆生歡喜愛樂。於日用中能發一念。念彼如來。欲生其國。卽此一念清淨堅固。還性所有。與佛無異。當是念時。不起於坐。阿彌陀佛極樂國土。悉皆現前。

如是修習乃至純熟幻身壞時此性不壞金蓮華臺由性種生往生其中如歸吾廬諸佛菩薩卽我眷屬性無異故自相親愛友人龍舒王虛中端靜簡潔博通羣書訓傳六經諸子數十萬言一旦捐之曰是皆業習非究竟法吾其西方之歸自是精進惟佛惟念年且六十布衣蔬茹重趼千里以是教人風雨寒暑弗皇恤閒居日課千拜夜分乃寢面目奕奕有光望之者信其爲有道之士也紹興辛巳秋過家君於宣城留兩月始見其淨土文凡修習法門與感驗章著具有顛末將求信道鋟木傳焉謄予序其書故爲之題其端云虛中名日休十月旦狀元歷陽張孝祥序

重刊龍舒淨土文序

華嚴經云信爲道元功德母長養一切諸善根然世之所謂修淨土者不可以不信也淨土乃西方極樂世界其中種種殊勝莊嚴阿彌陀經載之詳矣阿彌陀乃彼中之佛未成佛以前有四十八願願願度人衆生願生彼國者一稱其名隨念往生末世之人皆

於命終氣絕之後令他人稱念十聲謂之十念何益於事却不知於平日諸惡莫作衆善奉行念念不離西方淨土念念願見彼佛彌陀直至命終不差不亂蓮臺上品決定化生五濁惡世更不再入但聞提之人不信有之被惡業昏翳既不能自修又障他人修此入地獄如箭射誠可憫也譬如遐邦絕域之人居處服食極其荒涼安知有中國富貴快樂一旦或有語之者咸以爲妄其中乃至一人聽而信之念慕中國大厭彼土願身沒而生焉今生中國之人豈無若輩乎此世界中豈無遐邦絕域乎既有南瞻部洲便有西方淨土捨此生彼亦理之常焉得而不信哉諸佛無妄語佛語不誤人先賢達士及禪門宗師亦多修淨土惟龍舒王居士信之篤修之勤正念現前臨終明白淨土之歸無疑矣自利利他又作淨土文十三卷引三教經書爲證方便利益開導後人可謂一念萬年歲久板翳不任披閱吾侄呂元益遜齋自號康廬隱客乃先兄道山左丞之子夙植善本來生我家行已立身靡不在道饑寒病苦周恤有恒道釋諸

經印施饒益修行淨業。惟已自知發心。重爲刊梓。欲壽其傳。願一切衆生悉歸淨土。刊至第四卷第九十板。鐵筆有礙。迸出舍利三顆。嵌罅深隱。光彩燦燦。衆驚異焉。此皆阿彌陀佛悲智示現。龍舒居士願力不泯。吾侄信心堅固。所致謂佛法無靈驗。西方無淨土。可乎。延祐三年歲次丙辰中秋。同修淨土信士奉訓大夫前江淮等處財賦都總府副總管古壽呂師說書於潯陽寓舍之信堂。

重刊龍舒淨土文序

予嘗閱龍舒淨土文。知王居士之用心。普度一切衆。攝三乘。而其接中下二根之功爲最多。何者。蓋此事本來現成。不假修證。纔涉有想。便落第二義。而世之人。不皆上根利器也。非示以起信修持之方。證以現世感應之跡。則其能無所緣而發心者鮮矣。此淨土文乃修行之捷徑。如肯信心。受則無論根器利鈍。持習淺深。現世末後。均得證果。誠世之所不可無者。或者以十聲念佛。恐未能深入三昧。觀想不純。未必臨

終受用。殊不知世界皆從想生。遂成幻有。何況專修淨土者。終身禮拜注念。而不能隨意往生。必無是理也。惟直截根原之士。頓空諸幻者。無需乎此。而一切初地學人。舍是則如盲不任杖。俚俚何之。予故謂居士接中下二根之功爲最多。在在處處。不可無此書也。萬曆二年歲次甲戌仲秋吉日。紫雲山人宗門後學。操守經書。

佛祖因緣

鼓音王經云。過去久遠劫中有國名妙喜。王名憍尸迦。祖父清泰國王。父月上轉輪王。母殊勝妙顯皇后。生三子。長曰日月明。次曰憍尸迦。三日帝衆時。有一佛出世。號世自在王。如來偈尸迦棄舍國位。投佛出家。名曰法藏比丘。恭對如來。發四十八種廣大行願。普度十方一切衆生。若一願不滿者。誓不作佛。是時諸天散華。大地震動。空中讚言。決定成佛。號阿彌陀。悲華經云。往昔劫中有轉輪王。名無諍念。大臣寶海爲善知識。同于寶藏佛所發願。輪王云。我作佛時在